



ლაგოდეხის მუნიციპალიტეტის საკრებულო

2010 წლის 26 ნოემბერი

ქ. ლაგოდეხი

გ ა ნ კ ა რ გ უ ლ ე ბ ა

№ 3 9

**ლაგოდეხის მუნიციპალიტეტის 2011-2014 წლების პრიორიტეტების
დოკუმენტის დამტკიცების შესახებ**

საქართველოს საბიუჯეტო კოდექსის 76-ე მუხლის შესაბამისად, აგრეთვე ლაგოდეხის მუნიციპალიტეტის საკრებულოს დებულების 84-ე მუხლის თანახმად, ლაგოდეხის მუნიციპალიტეტის საკრებულოს განკარგულებით:

1. დამტკიცდეს ლაგოდეხის მუნიციპალიტეტის 2011-2014 წლების პრიორიტეტები დანართის შესაბამისად.
2. განკარგულება ძალაშია გამოქვეყნებისთანავე.
3. განკარგულების გასაჩივრება შესაძლებელია, გამოქვეყნებიდან ერთი თვის ვადაში, კანონდებლობით დადგენილი წესით, ლაგოდეხის რაიონულ სასამართლოში, მისამართი: ქ. ლაგოდეხი, 26 მაისის ქ.№19.

საკრებულოს თავმჯდომარე:

/გიორგი გოზალიშვილი /

ლაგოდეხის მუნიციპალიტეტის მიერ განსაზღვრული პრიორიტეტები

(2011-2014)

საჯარო ადმინისტრირების მოქნილმა, ამოცანებსა და მომხმარებელზე ორიენტირებულმა და არაკორუმპირებულმა სისტემამ უნდა უზრუნველყოს საჯარო და ეკონომიკური ამოცანების ეფექტიანად შესრულება.

იძულებით გადაადგილებული პირების მუნიციპალიტეტის ტერიტორიაზე საცხოვრებელი გარემოთი უზრუნველყოფა გაგრძელდება.

მუნიციპალიტეტის ტერიტორიაზე მაცხოვრებელთა დასაქმების ღონისძიებების ხელშეწყობა გაგრძელდება ტურიზმის ინფრასტრუქტურის, საავტომობილო გზების სამუშაოების, სოფლის მხარდაჭერის პროგრამით გათვალისწინებული სამუშაოების და ახალგაზრდობის სფეროში ერთიანი პოლიტიკის გატარებით.

ინფრასტრუქტურის განვითარება ლაგოდეხის მუნიციპალიტეტის ეკონომიკისათვის წარმოადგენს ბაზისს, რომელზეც უნდა დაფუძნდეს უკეთესი საცხოვრებელი და საინვესტიციო გარემო, მუნიციპალიტეტის ეკონომიკური და ტურისტული მიმზიდველობა.

გაგრძელდება საგზაო-სატრანსპორტო ინფრასტრუქტურის გაუმჯობესებისათვის მიმართული მრავალმხრივი სამუშაო, რათა გაუმჯობესდეს ადგილობრივი გზების მდგომარეობა.

ლაგოდეხის მუნიციპალიტეტისათვის ერთერთ პრიორიტეტს წარმოადგენს სოფლის განვითარების პროგრამა, მდინარეთა ნაპირსამაგრი სამუშაოები, სოფლებში სპორტული ინფრასტრუქტურის განვითარება, სამელიორაციო სისტემების რეაბილიტაცია.

ხელი შეეწყობა ცხოვრების ჯანსაღი წესის დამკვიდრებას, ასევე სპორტისა და ახალგაზრდობის სფეროში არსებული ორგანიზაციების და სპორტული ინფრასტრუქტურის გაუმჯობესებას.

2010 წლის მოკლე მიმოხილვა

ბიუჯეტის შემოსულობების პროგნოზი

საშუალოვადიან პერიოდში საბიუჯეტო შემოსავლების პროგნოზული გათვლების გაკეთებისას გათვალისწინებული იქნა ფისკალურ სფეროში მომხდარი ცვლილებები, აგრეთვე ძირითადი ეკონომიკური მაჩვენებლები და მათი შესაძლო შედეგები.

ნაერთი ბიუჯეტის შემოსავლების მოცულობა 2010 წელს განისაზღვრა 6,185.994 ლარით.

ნაერთი ბიუჯეტის გადასახადების მოცულობა განისაზღვრა 6,698.795 ლარით, მათ შორის:

ქონების გადასახადის მოცულობა განისაზღვრა 385000 ლარით;


გრანტების მოცულობა განისაზღვრა 5,708.994 ლარით;

სხვა შემოსავლების მოცულობა განისაზღვრა 92000 ლარით.

არაფინანსური აქტივების რეალიზაციიდან მისაღები თანხების მოცულობა განისაზღვრა 374600 ლარით.

2010 წელს ადგილობრივი ბიუჯეტით გამოყოფილი ასიგნებები სხვადასხვა სფეროების მიხედვით შემდეგნაირად გადანაწილდა:

- *წარმომადგენლობითი და აღმასრულებელი ორგანოები* _ 679100 ლარი,
- *სრუქტურული და ტერიტორიული ორგანოები* _ 808025 ლარი,
- *სოციალური სფერო* _ 338600 ლარი,
- *განათლება* _ 817995 ლარი;
- *ჯანმრთელობის დაცვა* _ 85000 ლარი;
- *ინფრასტრუქტურა* _ 2,812.575 ლარი;
- *კულტურა, სპორტი* _ 736900 ლარი;
- *თავდაცვის ღონისძიებები* _ 79600 ლარი ;
- *საზოგადოებრივი წესრიგი და უსაფრთხოება* _ 26000 ლარი;
- *სახანძრო და სამაშველო ღონისძიებები* _ 315000 ლარი.



2011-2014 წლების შემოსულობების პროგნოზი

საშუალოვადიან პერიოდში საბიუჯეტო შემოსულობების პროგნოზული გათვლების გაკეთებისას გათვალისწინებულ იქნა მომხდარი ცვლილებები და მათ მიერ გამოწვეული შესაძლო შედეგები.

2011 წელს გადასახადების საპროგნოზო მაჩვენებლების ზრდა გამოწვეულია იმ გარემოებით, რომ გადასახადების პროგნოზირებისას გათვალისწინებულ იქნა საგადასახადო კოდექსის ახალი რედაქცია. კერძოდ, შეიცვლება ქონების გადასახადის განაკვეთი.

2011 წელს ნაერთი ბიუჯეტის *სხვა შემოსავლების* წილი სავარაუდოდ 2.2 პროცენტს გაუტოლდება. ხოლო 2011 წელს ნაერთი ბიუჯეტის *არაფინანსური აქტივების* რეალიზაციიდან მისაღები თანხების მოცულობა 2 პროცენტამდეა სავარაუდო.

ადგილობრივი ბიუჯეტის დაფინანსებაზე მყოფი მხარჯავ დაწესებულებების

საორიენტაციო ზღვრული მოცულობები 2011-2014 წლებში

დასახელება	2011 წლის პროგნოზი	2012 წლის პროგნოზი	2013 წლის პროგნოზი	2014 წლის პროგნოზი

წარმომადგენლობითი და აღმასრულებელი ორგანოების დაფინანსება, მათ შორის:	2265,9	1480,5	1504,8	1530,6
<i>a) ვალების მომსახურება და დაფარვა</i>	<i>240,0</i>	<i>200,0</i>	<i>190,0</i>	<i>190,0</i>
<i>ბ) ინფრასტრუქტურული პროექტების დაფინანსების მიზნით საქართველოს რეგიონებში განსახორციელებელი პროექტების ფონდის შევსების ხარჯი</i>	<i>800,0</i>	<i>-</i>	<i>-</i>	<i>-</i>
ხანძარსაწინააღმდეგო დაცვა	339,4	412,9	417,9	422,9
შინაგან საქმეთა სამინისტროს ადგილობრივი ორგანოების დაფინანსება	0,00	0,00	0,00	0,00
თავდაცვის ღონისძიებები	84,0	97,0	98,0	98,0
ინფრასტრუქტურის მშენებლობა, რეაბილიტაცია და ექსპლოატაცია	689,6	460,0	480,0	500,0
სპორტული და კულტურული ღონისძიებები	711,0	695,0	715,0	700,0
საგანმანათლებლო ღონისძიებები	595,0	625,0	625,0	625,0
სოციალური და ჯანდაცვის პროგრამები	314,0	330,0	300,0	298,0
სულ გადასახდელები	4998,9	4100,4	4140,7	4174,5

1. საბიუჯეტო პროცესის შემდგომი განვითარება და სრულყოფა

პრიორიტეტის აღწერა და მიზანი

საქართველოს საბიუჯეტო პროცესში განხორციელებული რეფორმების მიუხედავად ლაგოების მუნიციპალიტეტის საბიუჯეტო პროცესი კვლავაც

საჭიროებს შემდგომ განვითარებასა და სრულყოფას, შესაბამისად ადგილობრივი ფინანსების მართვის რეფორმის ფარგლებში გასატარებელია რიგი ღონისძიებები, რომლებმაც უნდა უზრუნველყონ საერთაშორისო სტანდარტების შესაბამისი საბიუჯეტო პროცესის ჩამოყალიბება.

საშუალოვადიან პერიოდში პრიორიტეტის ფარგლებში დაგეგმილია შემდეგი ძირითადი ღონისძიებები:

- პროგრამული ბიუჯეტის შედგენის მეთოდოლოგიის შემუშავება;
- მხარჯავი დაწესებულებებისა და ტერიტორიული ერთეულების წარმომადგენლებთან სამუშაო შეხვედრების ორგანიზება პროგრამული ბიუჯეტის შედგენისა და შესრულების კრიტერიუმების შემუშავების მიზნით;
- საერთაშორისო სტანდარტებთან შესაბამისი, ყოველწლიური, კონსოლიდირებული, ფინანსური ანგარიშგების სისტემის შემუშავება;
- შესაბამისი პროგრამული უზრუნველყოფის სისტემის შექმნა და დანერგვა, რომელიც გაერთიანებს საბიუჯეტო პროცესის ყველა მონაწილე მხარეს პროცესის ყველა ეტაპზე;
- საჯარო სამართლის იურიდიული პირების მონაცემთა ბაზის მუდმივი განახლება და გაფართოვება;

მოსალოდნელი შედეგები:

- ადგილობრივ საბიუჯეტო პროცესში პროგრამული (შედეგებზე ორიენტირებული) ბიუჯეტის დანერგვა და საბიუჯეტო პროცესის გამჭვირვალობის ზრდა;
- საბიუჯეტო პროცესის მარეგულირებელი სრულყოფილი ნორმატიული ბაზა;
- ბიუჯეტის დაგეგმვისა და აღსრულების გამარტივებული პროცედურები;

2. ეკონომიკური პოლიტიკა და მისი განხორციელების კოორდინაცია

პრიორიტეტის აღწერა და მიზანი

ლაგოდების მუნიციპალიტეტის ეკონომიკური განვითარების ხელშეწყობის მიზნით აუცილებელია:

- ეკონომიკური პროცესების ანალიზი, სექტორული კვლევა მუნიციპალიტეტის ეკონომიკის ძლიერი და სუსტი მხარეების გამოსავლენად;

- შესაბამისი ღონისძიებების გატარებისთვის რეკომენდაციების შემუშავება;
- სტატისტიკური მონაცემების ანალიზი და შესაბამისი ანგარიშების მომზადება;

მოსალოდნელი შედეგები:

- სტაბილური ეკონომიკური გარემოს შენარჩუნება საშუალოვადიან და გრძელვადიან პერსპექტივაში;

3. ინვესტიციების მოზიდვა, ტურიზმის და ინფრასტრუქტურის განვითარება

პრიორიტეტის აღწერა და მიზანი

მუნიციპალიტეტის საინვესტიციო და ტურისტული მიმზიდველობის ზრდა ინვესტიციების ზრდის მნიშვნელოვანი წინაპირობაა. აუცილებელია ისეთი ღონისძიებების გატარება, რომლებიც ერთის მხრივ, უზრუნველყოფს მუნიციპალიტეტში არსებული საინვესტიციო და ტურისტული შესაძლებლობების დემონსტრირებას, ხოლო მეორეს მხრივ, წარმოქმნის ახალ შესაძლებლობებს.

ლაგოდების ტურისტული იმიჯის პოპულარიზაცია პირდაპირ გავლენას იქონიებს ტურისტების რაოდენობის ზრდაზე. შედეგად მოხდება ეფექტიანი პოზიციონირება ტურისტულ ბაზრებზე. მუნიციპალიტეტში ტურიზმის განვითარებისათვის ძალზედ მნიშვნელოვანია ასევე ტურისტული ინფრასტრუქტურისა და ტურისტული ადგილების განვითარების ხელშეწყობა და ტურიზმის სფეროში მომსახურეობის ხარისხის გაუმჯობესება.

ზემოაღნიშნულის გათვალისწინებით საშუალოვადიან პერიოდში უნდა განხორციელდეს შემდეგი ღონისძიებები:

- გამოფენებში მონაწილეობა;
- ფესტივალების და დღესასწაულების ორგანიზება;
- გამოფენების მოწყობა მუნიციპალიტეტის ტერიტორიაზე;
- მუნიციპალიტეტის ტურისტული შესაძლებლობების პოპულარიზაცია პრესით და ტელევიზიით;

• ახალი ტურისტული პროდუქტის შექმნა და მათი განვითარებისათვის პროექტების განხორციელება;

• უცხოური და ადგილობრივი მედიის წარმომადგენლებისათვის პრეს-ტურების მოწყობა;

მოსალოდნელი შედეგები:

- მუნიციპალიტეტის საინვესტიციო მიმზიდველობისა და ინვესტიციების ზრდა;
- ტურისტების რაოდენობის ზრდა;
- წარმოებული პროდუქციისა და მომსახურების კონკურენტუნარიანობის ამაღლება;

4. საავტომობილო გზების ინფრასტრუქტურის განვითარება

პრიორიტეტის აღწერა და მიზანი

საავტომობილო გზების ინფრასტრუქტურის განვითარება ბოლო წლების განმავლობაში ლაგოდების მუნიციპალიტეტის ერთ-ერთ მთავარ პრიორიტეტს წარმოადგენს და შესაბამისად წლების განმავლობაში ამ მიმართულებით მნიშვნელოვანი თანხები მიიმართებოდა, რის შედეგადაც გაუმჯობესდა საგზაო ინფრასტრუქტურის ძირითადი მონაკვეთები.

ზემოაღნიშნულის მიუხედავად, მუნიციპალიტეტში ტურიზმის განვითარებისა და ეკონომიკური აქტივობის გაუმჯობესებისათვის მომდევნო წლებში აუცილებელია საგზაო ინფრასტრუქტურის შემდგომი განვითარებისათვის დამატებითი რესურსების მიმართვა.

მომდევნო წლებში დაგეგმილია შემდეგი პროექტების განხორციელება:

• მუნიციპალიტეტის სოფლებთან, ძირითად საკურორტო, ისტორიულ და კულტურულ ძეგლებთან მისასვლელი საავტომობილო გზების პერიოდული შეკეთება და რეაბილიტაცია;

• საავტომობილო გზების მიმდინარე შეკეთება და შენახვა ზამთრის პერიოდში, სტიქიური მოვლენების სალიკვიდაციო და პრევენციის მიზნით სამუშაოების ჩატარება;

მოსალოდნელი შედეგები:

- საავტომობილო გზების ხარისხის გაუმჯობესება;
- ავტოტრანსპორტის ნაკადის გამტარუნარიანობის გაზრდა;

- საავტომობილო გზების მიმდებარე დასახლებულ პუნქტებში ინფრასტრუქტურის, მათ შორის ტურიზმისა და ვაჭრობის განვითარება და მუნიციპალიტეტში საინვესტიციო გარემოს გაუმჯობესება;
- საავტომობილო გზების საექსპლუატაციო მაჩვენებლების გაუმჯობესება.

5. ინფრასტრუქტურის განვითარება

პრიორიტეტის აღწერა და მიზანი

ბოლო წლებში მუნიციპალური ინფრასტრუქტურის გაუმჯობესების მიუხედავად, კვლავ პრობლემატურია წყალმომარაგების და წყალარინების სამშენებლო-სარეაბილიტაციო პროექტების განხორციელება, ელექტროენერჯიაზე და ბუნებრივ აირზე გაზრდილი მოთხოვნილების დაკმაყოფილება, კომუნალური მრიცხველების მიხედვით დავალიანების გადახდასთან დაკავშირებული პრობლემების აღმოფხვრა, ელექტროენერჯითა და ბუნებრივი აირით შეუფერხებელი მომარაგების უზრუნველყოფა. შესაბამისად მომდევნო წლებში დაგეგმილია:

- წყალმომარაგების სათავე ნაგებობებისა და შიდა ქსელის, კანალიზაციის, გამწმენდი ნაგებობის და სანიაღვრე არხების რეაბილიტაცია.
- პრიორიტეტის ფარგლებში მუნიციპალიტეტის დასახლებებში ელექტრო და გაზის მეურნეობების რეაბილიტაცია, აღრიცხვა და გამრიცხველიანების მოწესრიგება.

მოსალოდნელი შედეგები:

- მუნიციპალიტეტებში წყალმომარაგების გაუმჯობესება და წყალჟონვის შემცირება;
- მოსახლეობის ინდივიდუალური გამრიცხველიანება;
- სადისტრიბუციო ქსელების მასშტაბური რეაბილიტაცია (ამორტიზებული სადენებისა და ბოძების შეცვლა ახლით, კოროზირებული მილსადენების შეცვლა, ქსელების საიმედოდ ფუნქციონირებისათვის საჭირო სხვა ინფრასტრუქტურის განახლება, დასახლებულ პუნქტებში გაზიფიცირების დამთავრება).

6. იძულებით გადაადგილებულ პირთათვის შესაბამისი საცხოვრებელი პირობების და ინფრასტრუქტურის მოწყობა-განვითარება;

პრიორიტეტის აღწერა და მიზანი

საქართველოში კონფლიქტური რეგიონების არსებობამ და რუსეთის ფედერაციის აგრესიამ საქართველოს მოსახლეობის დიდი ნაწილი აქცია იძულებით გადაადგილებულ პირებად, რომელთა უმრავლესობა თავდაპირველად დარჩა უსახლკაროდ. დარჩენილია დევნილთა გარკვეული ნაწილი, რომელთაც კვლავ არ აქვთ საკუთარი სახლები.

ზემოაღნიშნულის გათვალისწინებით დაგეგმილია დევნილთა საცხოვრებელი პირობების გაუმჯობესება.

მოსალოდნელი შედეგები:

- იძულებით გადაადგილებულ პირთა საცხოვრებელი პირობების გაუმჯობესება.
- დევნილთა სანიტარული პირობების გაუმჯობესება;
- წყალმომარაგების სისტემის გამართული და შეუფერხებელი ფუნქციონირება;

• შესაბამისი ინფრასტრუქტურის მოწყობის შედეგად ეკონომიკური აქტივობის ზრდა და დევნილი მოსახლეობის დასაქმება;

7. წყლით უზრუნველყოფის ერთიანი სისტემის მოწყობისა და განვითარების ღონისძიებები

პრიორიტეტის აღწერა და მიზანი

სასმელი წყლით მომარაგების სისტემის განვითარება წარმოადგენს მნიშვნელოვან ფაქტორს მუნიციპალიტეტის ეკონომიკური განვითარების დაჩქარების საქმეში. ამიტომ აუცილებელია განხორციელებულ იქნას მათი სამშენებლო-სარეაბილიტაციო სამუშაოები და შემდგომი განვითარების მხარდაჭერის ღონისძიებები.

პრიორიტეტის ფარგლებში დაგეგმილია შემდეგი ღონისძიებების განხორციელება:

• ყოველწლიურად სასმელი წყლის არსებული ქსელების მოვლის, რეაბილიტაციის, განვითარებისა და მოდერნიზაციის სამუშაოების ჩატარება;

• წყალმომარაგების სისტემების არმქონე სოფლებში, აუცილებელი სამშენებლო სამუშაოების განხორციელება;

• წყლის მიწოდებაზე პასუხისმგებელი სამსახურის მეშვეობით თანამედროვე მართვის სისტემის დანერგვა და მოსახლეობის წყლის რესურსებით მომარაგების ეფექტური უზრუნველყოფა;

მოსალოდნელი შედეგი:

მუნიციპალიტეტში წყალმომარაგების ქსელების მშენებლობის და რეაბილიტაციის შედეგად უზრუნველყოფილი იქნება მოსახლეობის წყლით შეუფერხებელი მომარაგება.

8. ადგილობრივი საარქივო ფონდის დაცულობის, მომსახურების თანამედროვე ტექნოლოგიების დანერგვის და დოკუმენტების ხელმისაწვდომობის უზრუნველყოფა

პრიორიტეტის აღწერა და მიზანი

დღეის მდგომარეობით, მუნიციპალიტეტში არ არის შექმნილი ადგილობრივი არქივი, რომელიც უზრუნველყოფს არსებული დოკუმენტების დაცვას და შენარჩუნებას. საჭიროა სათანადო ინფრასტრუქტურის შექმნა და ლაგოდების მუნიციპალიტეტის ადგილობრივ არქივში თანამედროვე სტანდარტების შესაბამისი სწრაფი და ხარისხიანი მომსახურების დანერგვა.

პრიორიტეტის მიზნის მისაღწევად დაგეგმილია:

- ადგილობრივი არქივის შექმნა;
- მოქალაქეთა მომსახურების სისტემის განვითარება და სრულყოფა;
- საარქივო ფონდის ელექტრონული დოკუმენტების არქივის შექმნა;

მოსალოდნელი შედეგები:

არქივის ინფრასტრუქტურის შექმნით, საარქივო ფონდის დაცვა-შენახვის სისტემის გაუმჯობესებით და ელექტრონული არქივის ფონდის შექმნით შესაძლებელი გახდება სახელმწიფო ორგანოების, იურიდიული და ფიზიკური პირების დროული საინფორმაციო მომსახურება.

9. ელექტრონული მმართველობის განვითარება

პრიორიტეტის აღწერა და მიზანი

სახელმწიფო სექტორში ელექტრონული მმართველობის დანერგვა საჯარო სექტორის გამართული მუშაობის ერთ-ერთ უმნიშვნელოვანეს საკითხს წარმოადგენს. აღნიშნულიდან გამომდინარე, აუცილებელია მონაცემთა გაცვლის ერთიანი ინფრასტრუქტურის შექმნა, რაც ხელს შეუწყობს მოსახლეობისთვის იაფი, მოხერხებული, და სწრაფი ელექტრონული საინფორმაციო მომსახურების მიწოდებას. ამასთან, ინფორმაციული ტექნოლოგიების ფართო გამოყენება მოითხოვს სათანადო ყურადღებას მისი უსაფრთხოების უზრუნველსაყოფად.

პრიორიტეტის მიზნის მისაღწევად დაგეგმილია:

მუნიციპალიტეტში არსებული ელექტრონული ინფორმაციის ერთ ლოგიკურ სისტემაში მოქცევა და ქვეყნის მასშტაბით ერთიანი საინფორმაციო სისტემაში ჩართვა.

- ინფორმაციული უსაფრთხოების პოლიტიკის ჩამოყალიბება და კომპიუტერულ ინციდენტებზე მონიტორინგისა და სწრაფი რეაგირების ეფექტური მექანიზმების ჩამოყალიბება;

მოსალოდნელი შედეგები:

მონაცემთა გაცვლის ინფრასტრუქტურის საშუალებით შესაძლებელი გახდება ახალი ტიპის საინფორმაციო სერვისების განხორციელება და ფაქტობრივად «ერთი ფანჯრის» პრინციპის მიხედვით მოსახლეობის მომსახურება. გარდა ამისა, ინფორმაციული უსაფრთხოების პოლიტიკის გატარებით, შესაძლებელი გახდება ინფორმაციის დაცვის უფრო ეფექტური სისტემების შემუშავება

10. ნარჩენების მართვის სისტემის რეფორმა

პრიორიტეტის აღწერა და მიზანი

ვინაიდან მუნიციპალიტეტში მყარი საყოფაცხოვრებო ნარჩენების მართვის სისტემა არაეფექტურია და ის სრულად არ პასუხობს თანამედროვე მოთხოვნებს და სტანდარტებს, რაც ხელისშემშლელი ფაქტორია მუნიციპალიტეტში ეკო-ტურიზმის განვითარებისათვის, აუცილებელია ნარჩენებისა მართვის რეფორმის ფარგლებში განხორციელდეს:

- ნარჩენების პოლიგონის შესწავლა, შეფასება და რეკულტივაცია;

მოსალოდნელი შედეგები:

- გაუმჯობესდება სამარხზე არსებული ეკოლოგიური მდგომარეობა, მინიმუმამდე შემცირდება გარემოზე ზეგავლენის რისკები;

11. სპორტულ სახეობათა განვითარება, სპორტის პოპულარიზაცია და სასპორტო განათლების ხელშეწყობა

პრიორიტეტის აღწერა და მიზანი

პრიორიტეტი მოიცავს ღონისძიებებს, რომლებიც ორიენტირებულია სასპორტო განათლების ხელშეწყობაზე. მუნიციპალიტეტში არსებული სპორტული ინფრასტრუქტურა არ შეესაბამება თანამედროვე სტანდარტებსა და მოთხოვნებს, არ არის თანამედროვე მოთხოვნების შესაბამისი სპორტული ობიექტები და ამ ბაზებში ღონისძიებების ჩატარებისათვის ნორმალური პირობები. აუცილებელია ახალგაზრდებში სპორტის პოპულარიზაცია და ჯანსაღი ცხოვრების წესის დამკვიდრება, აგრეთვე სპორტის ხელმისაწვდომობა განურჩევლად ასაკისა.

აღნიშნული პრიორიტეტი ორიენტირებულია მუნიციპალიტეტში სპორტის შემდგომ განვითარებაზე, ახალგაზრდებში ჯანსაღი ცხოვრების წესის დამკვიდრებაზე. სპორტის სხვადასხვა სახეობების მომზადებასა და სპორტულ ღონისძიებებში მონაწილეობის ხელშეწყობაზე. ასევე გულისხმობს სპორტული მრავალფუნქციური კომპლექსების, ახალი სპორტული მოედნების, ხელოვნურსაფარიანი მინისაფეხბურთო მოედნების აღდგენას.

მოსალოდნელი შედეგები:

- შეჯიბრებებში მოპოვებული წარმატებები;
- ბავშვთა მასობრივი სპორტით დაინტერესების ზრდა;
- ტურნირებში და ჩემპიონატებზე სხვადასხვა სინჯის მედლების მოპოვება, შეჯიბრებებზე მნიშვნელოვანი წარმატებების მიღწევა.

12. ახალგაზრდობის სფეროში ერთიანი ახალგაზრდული პოლიტიკის გატარება

პრიორიტეტის აღწერა და მიზანი

პრიორიტეტი მიზნად ისახავს ხელი შეუწყოს მუნიციპალიტეტში ახალგაზრდების განვითარებას, მათში სახელმწიფოებრივი აზროვნების, აქტიური მოქალაქეობის იდეის, ახალგაზრდებში თავისუფალი აზროვნების, კანონის პატივისცემისა, სამოქალაქო პასუხისმგებლობის ჩამოყალიბებასა და შემოქმედებითი უნარების განვითარებას. ღონისძიებების უმეტესობა არაფორმალური სწავლების ელემენტებზე იქნება აგებული, რისი საშუალებითაც მონაწილეები გამოიმუშავენ პრეზენტაციების, დებატების წარმოების, ინფორმაციის მოძიებისა და მართვის უნარ-ჩვევებს.

პრიორიტეტი აერთიანებს ღონისძიებებს, რომლებიც მიმართულია ახალგაზრდული ორგანიზაციების განვითარებისკენ. კერძოდ ითვალისწინებს მათ მიერ მოწყობილი ღონისძიებების მხარდაჭერასა და წახალისებას, ტრენინგ-პროგრამების შექმნას, ახალგაზრდების მონაწილეობას სხვადასხვა კონფერენციებსა თუ სამუშაო ჯგუფებში.

პრიორიტეტი საშუალებას აძლევს ახალგაზრდული სტრუქტურების წარმომადგენლებს მონაწილეობა მიიღონ საერთაშორისო ღონისძიებებში, ჩართული იყვნენ რეგიონალურ თანამშრომლობის განვითარებაში, დაამყარონ საჭირო კონტაქტები, მიიღონ ინფორმაცია ახალგაზრდული სფეროს სხვა ქვეყნების გამოცდილებაზე და დაგეგმონ სამომავლო საერთაშორისო პროგრამები.

მოსალოდნელი შედეგები:

- ახალგაზრდების განვითარების ხელშეწყობა;
- ახალგაზრდებში აქტიური მოქალაქეობრივი, სახელმწიფოებრივი და თავისუფალი აზროვნების, ჯანსაღი ცხოვრების წესის, მოქალაქის უფლებებისა და ვალდებულებების, საზოგადოების წევრებზე ზრუნვის იდეის პოპულარიზაცია;
- ახალგაზრდებში პრეზენტაციის, დებატების, დასაქმებისთვის აუცილებელი, შემოქმედებითი საქმიანობისთვის საჭირო უნარ-ჩვევების გამომუშავება;
- საერთაშორისო ახალგაზრდულ პროგრამებში ქართველი ახალგაზრდების მონაწილეობის გაზრდა;
- ახალგაზრდული ორგანიზაციების საქმიანობის ხელშეწყობა;

- საბანაკო სისტემის სრულყოფა და განვითარება, ახალგაზრდებში მაღალი ზნეობრივი თვისებების ჩამოყალიბება და ახალგაზრდობის არაფორმალური განათლება;

13. ლაგოდეხი – როგორც მრავალკულტურული მუნიციპალიტეტის პოპულარიზაცია და კულტურის სფეროს განვითარება

პრიორიტეტის აღწერა და მიზანი

პრიორიტეტი მოიცავს ღონისძიებებს, რომელიც ორიენტირებულია ლაგოდეხის სიძველეთა პოპულარიზაციისაკენ, ლაგოდეხის ტერიტორიაზე არსებულ ისტორიულ ძეგლთა ფოტო-ფიქსაციის, ელექტრონული ბაზის შექმნის პროცესს; ლაგოდეხის მხარეთმცოდნეობის მუზეუმში ლაგოდეხის ისტორიული პერიოდიზაციისა და ლაგოდეხ-პოლონეთის ურთიერთობების, მრავალეთნიკური ლაგოდეხის განყოფილებების შექმნას;

მოსალოდნელი შედეგები:

- კულტურის სფეროს პოპულარიზაცია;
- ლაგოდეხის ისტორიულ ძეგლთა აღწერილობის თანამედროვე ბაზის შექმნა;
- მუნიციპალიტეტის ტურისტული შესაძლებლობების პოპულარიზაცია.